



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Fasti Mariani Cum Divorvm Elogiis In Singvlos Anni Dies Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Clara V. 12. Augusti.

**urn:nbn:de:hbz:466:1-44055**

etſi Imperatrix, & in eâ tot gemmas, quot guttas portabat. *Ex Surio.*

*O anima, quæ in te Christum habes, attende tibi, tibi ipſi vaca: immortalis eſt Chriſtus ſponſus tuus; cave eum deſeras, ne ab eo derelicta diligas inimicum tuum ab omni juſtitia pulchritudine remotiſſimum.*  
S. Ephrem de exercitat.

S. CLARA V. 12. Auguſt.

**F**Ranciſci illuſtris partus virgo CLARA eſt, mater eadem omnium virginum, quæ Franciſci inſtitutũ æmulantur, jam antè parenti ſuæ, quàm naſceretur, à Chriſto è cruce laudata. Ergo unicum ſexûs ſui miraculum ea facere molles virgunculas docuit, quæ multi in viris miramur, pauci imitamur. Aſperrimam vitæ rationem, atque ultimam, quam in ordinem ſuum invexit, paupertatem cordi DEO eſſe, vel tunc probavit, quando abundare in vacuo etiam vaſe oleum fecit, & dimidium panem quinquaginta omnino virginibus ſufficere. Neque erravero, puto, ſi Moyſi etiam feminam æquiparavero. Certè obſidione gravi cùm Aſiſium cingeretur, precibus ante Euchariſticum epulum CLARA depugnans omnes in fugam hoſtes egit, certiorque de victoriâ ab ipſomet ſponſo Chriſto eſt facta. Ab hoc aliàs nunc ad naſcentis cunas, nunc ad patientis tormenta ſpectanda cùm evocata eſſet, Crucis deinceps ſigno ita uſa eſt, ut contra morbos Alexiteriorum, contra orci minas Panopliæ vicem eſſet. Jam moriens uti è terris cum purpurato ſenatu ſummum Pont. ita è calis cum candido virginum agmine virginum Reginam, & cum hac ſummum Numen ad ſe pertraxit; itaque in cælo fuit,

fuit, antequàm fuit. *Ex Surio.*

*Sanguine Agni servatur domus à percussione Angeli:  
& aqua maris rubri extinguuntur inimici, qua sunt  
mysteria Ecclesie Christi.* Hieron. super Luc.

S. CASSIANUS EP. ET MART.

13. Augusti.

**P**ulchrius longè CASSIANVS post Pontifica-  
tum, quem apud Brixentas gesserat, quàm post  
Regnum olim Dionysius, ludum in foro Cornelii  
exul aperuit, non ignarus has demum illas esse  
rasas tabulas, è quibus nec senectus mores expun-  
gat, quos olim infantia inscripsit. Sed heu quoties  
juventus indignum tuis Doctoribus Minervalin-  
grata persolvis? Rapitur ecce ad iudices CASSIA-  
NVS, & impietatis in Deos damnatus pueris tra-  
ditur excarnificandus. Nulla mora. Convolar  
velut ad ferias literarias pessimè feriat, & ad pœ-  
nas magistrum nudum discipuli vocant. Pars ta-  
bulas capiti illidunt franguntque, pars graphiis,  
nunc punctim, nunc verso stylo cæsim invadunt,  
vulnera identidem convitiis interpolantes. Alii  
nunc demum sibi literatum videri præceptorem  
clamare; alii rogare, num rubrica hæc placeret?  
num amplius fatis latusque stylus esset? satne acu-  
tum foret epigramma, quod exararent? Alii de-  
nique hortari se mutuo, ne otiosi essent; hoc  
præceptoris semper unicum præceptum fuisse,  
nunquam stylum ponere, semper aliquid scripti-  
tare. Et fortè unus è turbâ aliquis: ingrati non  
erimus CASSIANE magister, multas fateor tibi de-  
bemus, sed, hem! quas accepimus omnes reddi-  
mus, & cum fœnore, plagas. Quærebat interea  
per mille vulnera exitum ingens anima, nec re-  
periebat,

R S

periebat,